

西藏誌

卷上

中國民族史地資料叢刊之三（內部參攷）

西藏誌

卷上

中央民族學院圖書館編

序

史記大宛傳。大夏東南有身毒國。注。索隱曰。身音乾。毒音篤。孟康云。即天竺浮圖國也。杜氏通典吐蕃在吐谷渾西南。其國都號為邏娑城。舊唐書吐蕃傳號為邏些城。扶南傳云。舍衛國隸屬天竺。伽尸國一名波羅奈國。亦名波羅國。奈斯國。釋道安西域志謂波羅奈斯國乃佛轉法輪處。續漢書亦云。其國修浮圖佛道以成俗。不尚殺伐。今考西藏志。名其地曰拉薩。其台吉有名頗羅鼐者。則知古籍所載曰邏娑。曰邏些。曰拉薩。乃譯音之近似。曰波羅奈斯。曰波羅奈斯。曰頗羅鼐。又字畫之舛訛。總之皆西方佛地也。然周秦西漢以上。佛法未傳于中國。故其書未詳。唯考周書異記。昭

王二十四年四月八日。有五色光貫太微。遍於西方。太史蘇由奏為佛生之日。穆王五十二年二月十五日。西方有白虹十二道。南北通過。太史扈多奏為佛涅槃之日。追漢明帝夜夢金人。乃發使天竺。寫致梵經及釋迦像。白馬馱致中夏。以為寺名。由是金光流照。法輪東轉。至其方物事蹟。微特漢之張騫甘英。遍聞西土。未有成書。即唐之元奘法師。遊西域十七年。撰記十二卷。率多缺畧。或亦考古者之遺憾歟。欽惟我朝太宗文皇帝崇德七年。班禪額爾德尼達賴喇嘛固始汗遣使達盛京。通貢表歲以為常。此後內臣駐劄其地。鎮撫部落。護持黃教。我皇上御極以來。又創立清字經館。特命大臣暨章嘉呼圖克圖等。取

滿洲蒙古唐古忒字合譯漢文。闡發經義。雖釋迦文殊剎言之。廩
刮法之痕。無能過者。況乎西藏為生佛之地。興教之方。其山川疆
域風俗程途。尤不可不詳其記載也。是書傳為國朝果親王所
撰。戊申得自成都抄本。爰付剞劂。以公同志云爾。

時乾隆五十七年歲次壬子季春吉日。閑中承宣使者和寧謹
序。

[illegible]

西藏誌目錄

事蹟

疆圉

山川

寺廟

物產

歲節

紀年

風俗

衣冠

飲食

婚嫁

夫婦

生育

喪葬

醫藥

占卜

禮儀

宴會

市肆

房舍

刑法

封爵

邊防

徵調

賦役

朝貢

外番

碑文

唐碑

臺站

附錄

自四川成都抵藏程途

自打箭爐由霍耳迭草草地至察木多路程

自察木多由類烏齊草地進藏路程

自西藏白木魯烏蘇一帶至西寧路程

自藏出防騰格那爾路程塘口

自藏出防玉樹卡倫路程

自藏出防納克產卡倫路程

自藏出防奔卡立馬爾路程

自藏出防生根物角路程

自藏由楊八景至噶爾藏骨岔路程

自藏由江孜一路至後藏扎什隆布路程

自扎什隆布由咱黨至前藏路程

自藏至布魯克巴路程

自松潘出黃勝關至藏路程

自兩河口分路至青海路程

西藏誌卷上

事蹟

西藏一隅。諸鑒多未詳載。考其地即西吐蕃也。唐曰烏斯國。明曰烏斯藏。今曰圖伯特。又曰唐古忒。居在萬峯之中。為西方極勝之區。環山拱合。百源匯流。自墨竹工卡而下。統召之南。西瀉。頗得天地之靈脉。布達拉之飛閣層樓。麗色奪目。別蚌色拉。甘丹。桑威。四大寺。拱朝于四方。東與川滇聯界。西與青海接壤。其直抵河湟。通西洋達噶斯。天文井鬼分野。時歲稍寒。物產無幾。地多水泉。土人以為海眼。春則凍醒。夏秋陰雨。覺盛。土人分為三部。曰康。曰衛。曰藏。康者即今之察木多。一路衛者即西藏拉薩召一帶。藏者乃後

藏扎什隆布一帶。此三部皆為番僧之洲。數黃教之總匯。其地人民尊尚佛教。敬信喇嘛。所最崇信者如達賴喇嘛。班禪喇嘛。噶瑪巴。沙嗎納等輩。其他不迷性之呼圖克圖。在在皆有。不能枚舉。俱為人所崇奉。信如靈神。欽若活佛。凡所謂呼圖克圖者。乃係身後知前生之事。人故敬之。然番民風俗鄙污不堪。人皆垢面蓬頭。形類犬羊。無論僧俗。莫不以利是貪。為尚古所不化之地。自唐孝德皇帝以公主下嫁蕃王和親之後。始與中國通往來。其國之始為君者。乃額勒特莽固禮之後。馬克已之子。納禮藏布。傳數世至蘇隆藏干布。其勢始大。併西番地。內附于唐。唐以公主妻之。而蘇隆藏干布又娶白國王之女為妾。唐公主好善。修大小二召。並築城。

於布達拉為宮室。唐番二國分定疆界。設立誓盟。不相侵犯。立碑于大召前。永為誓約。相傳云。昔唐三藏取經。曾履此地。今大召之前廊。尚繪有師徒四衆之像。云豬八戒招親之高老庄。亦即今之承里。其真其誕。俗傳如斯。自唐而下。宋元之間。其國未聞。明萬歷時。太監楊英至其地。齋勅封楚布寺業郎寺之紅帽黑帽呼圖克圖噶嗎巴沙嗎納二人。為西天大善自在佛。如來大寶法王灌頂大國師。賜予印冊。封甲標楞布氣袞玉楞布氣二人為灌頂禪師。至我太宗文皇帝之崇德七年。班禪額爾德尼達賴喇嘛固始汗咸謂東土有聖人出焉。遣使達盛京。約行善事。歲通貢表。西藏大召之地。呼為拉薩。拉薩者。華言佛地也。舊有城廓。于康熙六十年

定西將軍護國公策旺諾爾布毀之。改築西南石堤。自東北卽路
山脚起。至布達拉對面小山招拉筆洞止。長約三十里。以遏藏江
之水勢。今呼為神堤。每歲正月聚各寺喇嘛于大召內。念大經畢。
令衆喇嘛各增添砌。惟此乃喇嘛一役。至番王蘇隆藏于布乃觀
音菩薩分體之光化生。故常在輪迴而其本性不昧。曰根敦珠巴。
曰根敦姜錯。曰朔納木姜錯。曰雲登姜錯。曰阿旺羅藏姜錯。曰羅
進仁進姜錯。相繼轉生凡六世。皆稱為達賴喇嘛。而興黃教于西
域。第五輩達賴喇嘛入覲。世祖章皇帝勅賜金冊印。封為臣。按他
書皆作統領西天佛教普覺幹濟達賴喇嘛。時有蒙古古什罕自
青海起兵滅藏巴罕據其地。至其子達彥罕孫達賴罕皆敬附中

國後有牒巴三節者。專國倡亂。古什罕曾孫拉藏滅之。蒙聖祖仁
皇帝褒封。命嗣為罕。而達賴喇嘛又化生于裡塘地方。名曰噶爾
藏嘉慕。青海蒙古稱為呼必爾罕。蠻人稱為申巴。革桑姜錯生二
歲。青海蒙古搬至西寧之塔爾寺坐床。復為西方瞻仰。適準噶爾
逆賊策妄阿拉布坦妄自生釁。自伊里遣其賊將策冷敦多布領
兵攻殺拉藏罕。擄其子蘇爾扎。毀滅黃教。荼毒生靈。肆行猖獗。蹂
躪藏地。我聖祖仁皇帝天地為心。以一隅之未靖。慮一夫之失所。
特遣將軍額倫特。都統色倫額。革職四川提督康泰。都統滿漢官
兵分道剿伐。渡通天河。三敗賊衆。而策冷敦多布分兵遏我糧餉。
軍中食盡。將士枵腹。至哈拉烏蘇為賊所困。全軍餓斃。其提督康

泰至拉里之西。為賊僧黑喇嘛誘殺。于是賊眾復逞螳臂。肆其跳梁。燬壞經典。竊據藏地。聖祖仁皇帝赫然震怒。遣靖逆將軍富寧安駐兵巴爾庫爾。以分賊勢。爰命皇子允禔為撫遠大將軍。統帥六師。駐節西寧。調餉徵兵。將塔爾寺之呼必爾罕。錫以達賴喇嘛名號。給與冊印。俾其主持黃教。由是遣平逆將軍宗室延信。固原提督馬繼伯。加議政大臣銜。山東登州鎮總兵官李麟等率領陝甘滿漢官兵。于康熙五十九年夏四月。護送達賴喇嘛自西寧出口進征。而策冷教多布猶敢施其故習。三襲我營。俱為我軍所破。斬獲甚眾。賊師胆喪。大將軍又遣征西將軍噶爾弼。四川永寧協副將岳鍾琪為先鋒。統領川滇楚浙滿漢官兵。由蜀之打箭爐出。

口大將軍駐劄木魯烏素居中調度。秋九月大兵會于藏擒巨賊
藍占巴駝駝宰桑黑喇嘛偽藏王達格咱等招降逆羽夷衆。于是
策冷敦多布計窮力竭狼狽遁歸西藏底定。人民奠安。月之十五
日送達賴喇嘛坐床。勅封承教度生。達賴喇嘛將其地土人民賜
之居于布達拉。有御制碑文鑄石築亭于布達拉之南以誌其事。
其康濟鼐阿爾布巴隆布鼐頗羅鼐扎爾鼐等五人賜封有差。於
大召寺內設立公所。五人會辦西藏大小事務。康濟鼐係後藏人
昔為拉藏罕仲意。因準噶爾犯藏努力堅守阿里有功。封為貝勒。
管理後藏以西之北一帶地方。並拉藏罕屬下台吉阿旺雲登都
納爾等二十餘人及蒙古二千餘住居西藏均食藏內餉糧。為達